

ՀՈԴՎԱԾՆԵՐ ԵՎ ՀԱՂՈՐԴՈՒՄՆԵՐ СТАТЬИ И СООБЩЕНИЯ

ՎԱՋԳԵՆ ՉԱԼՈՅԱՆ

(Ծննդյան 80-ամյակի տոբիվ)

ՀՍՍՀ ԳԱ Բոլրակից անդամ Ս. Ս. ԱՐԵՎՇԱՏՅԱՆ

Սովետահայ անվանի գիտնական, Հայկական ՍՍՀ ԳԱ թղթակից անդամ, ՀՍՍՀ գիտության վաստակավոր գործիչ, փիլիսոփայական գիտությունների դոկտոր Վ. Չալոյանը հայ պատմափիլիսոփայական գիտության երախտավորներից էր, որի ծննդյան 80-ամյակը լրացավ վերջերս:

Վաղգեն Կարապետի Չալոյանը ծնվել է 1905 թ. հունվարի 7-ին, Ալեքսանդրապոլում (այժմ Լենինական), բանվորի ընտանիքում: Երիտասարդության տարիները համընկան Հայաստանում սովետական կարգերի հաստատման, սոցիալիստական շինարարության և ազգային դարձման ժամանակաշրջանին: 1926 թ. ավարտելով Երևանի պետական համալսարանի պատմա-գրական ֆակուլտետը, Վ. Չալոյանը անցնում է մանկավարժական աշխատանքի, դասավանդում հանրապետության միջնակարգ և բարձրագույն ուսումնական հաստատություններում: 1930—1934 թթ. եղել է Հայաստանի պատմության և արվեստի թանգարանի տնօրենը: Հայ ժողովրդի հարուստ անցյալի, նրա հոգևոր մշակույթի հանդեպ ունեցած մեծ սերն ու հետաքրքրությունը, գիտնականի բնատուր խառնվածքը Վ. Չալոյանին մղում են հայագիտության ասպարեղ: Կատարելագործելով իր գիտելիքները Մոսկվայի փիլիսոփայության, գրականության և պատմության ինստիտուտի ասպիրանտուրայում, նա 1938 թ. սկսած մինչև կյանքի վերջը ամբողջությամբ նվիրվում է հայ փիլիսոփայական մտքի պատմության հետազոտման գործին, դառնալով այդ նոր ճյուղի սկզբնավորողն ու հիմնադիրը: 1939 թ. «V դարի հայ փիլիսոփա Եղնիկ Կողբացու ուսմունքի հարցի շուրջը» աշխատության համար նրան շնորհվում է փիլիսոփայական գիտությունների թեկնածուի գիտական աստիճան, իսկ 1946 թ. «Դավիթ Անհաղթի փիլիսոփայությունը» աշխատության համար՝ փիլիսոփայական գիտությունների դոկտորի աստիճան: 1943 թ., որպես ՀՍՍՀ գիտությունների ակադեմիայի փիլիսոփայության սեկտորի, իսկ 1969-ից մինչև իր կյանքի վերջը՝ փիլիսոփայության և իրավունքի ինստիտուտի ավագ գիտաշխատող Վ. Չալոյանը ծավալել է արգաստվոր գիտական գործունեություն և զխավորել փիլիսոփա-պատմաբանների երիտասարդ կադրերի սլատրատման պատասխանատու և շնորհակալ աշխատանքը: Հայրենիքը բարձր է գնահատել նրա վաստակը: 1965 թ. Վ. Չալոյանը ընտրվել է ՀՍՍՀ ԳԱ թղթակից անդամ, իսկ 1967 թ. արժանացել է ՀՍՍՀ գիտության վաստակավոր գործիչ պատվավոր կոչման: Նա պարգևատրվել է «Պատվո նշան» շքանշանով և մի շարք մեդալներով, արժանացել է ՀՍՍՀ ԳԱ Մեսրոպ Մաշտոցի անվան մրցանակի (1977 թ.): Վախճանվել է 1981 թ. մարտի 24-ին:

Իր ողջ գիտական գործունեությունը Վ. Չալոյանը նվիրել է մի բնագավառի՝ հայ փիլիսոփայության պատմության հետազոտմանը, հոգևոր մշակույթի մինչև այդ շուրջնախնդիր՝ բնագավառի՝ հայ ժողովրդի փիլիսոփայական

ժառանգության լուսաբանմանը: 1940-ական թթ., երբ Վ. Չալոյանի ջանքերով հայ փիլիսոփայության պատմությունը՝ որպես հայագիտության մի նոր գիտական, ներկայացավ ընթերցողներին, գիտական հասարակայնությունը մի ժողովրդի զարմանքով և թերահավատությամբ ընդունեց առաջին ուսումնասիրությունները: Այդ տարիներին դեռևս այն կարծիքն էր տարածված, թե փիլիսոփայությունը հայոց մեջ չի զարգացել և այդ պատճառով էլ, իբր, հիմք չկա զբաղվելու մի գիտության պատմությամբ, որը հնում միաձուլված է եղել աստվածաբանության կամ բնագիտության, իսկ նոր ժամանակներում՝ քաղաքական, տնտեսագիտական և դրականագիտական մտքի հետ: Հայ փիլիսոփայական մտքին նվիրված Վ. Չալոյանի առաջին ուսումնասիրություններն ընկալվեցին որպես շարունակություն շունեցող մի փորձ, բայց ոչ որպես հեռանկար ունեցող գործի սկիզբ: Այդ կասկածներն ու թերահավատությունը ջրելու համար մեծ ջանքեր էին պետք: Հրապարակելով Նզնիկ Կողբացուն, իսկ այնուհետև Դավիթ Անհաղթին նվիրված իր մենագրությունները և ցույց տալով նրանց դերը հայ փիլիսոփայական մտքի զարգացման գործում, Վ. Չալոյանը ձեռնամուխ եղավ հին և միջնադարյան շրջանների համապարփակ հետազոտմանը:

Այդ դժվարին աշխատանքը նա տարավ մեծ մասամբ անտիպ փիլիսոփայական երկերի, Մաշտոցի անվան Մատենադարանի ֆոնդերում պահվող տասնյակ ձեռագրերի հետազոտմանը զուգահեռ: Երկարամյա աշխատանքի արդյունքները ամփոփվեցին մեկ հատորում, «Հայոց փիլիսոփայության պատմություն» արժեքավոր մի գրքում, որը լույս տեսավ 1959 թ.: Նույն 1950-ական թթ. լույս տեսան Վ. Չալոյանի ղեկավարությամբ գրված մի շարք երիտասարդ գիտնականների աշխատությունները, որոնք նրա ընդհանրացող ուսումնասիրությունը լրացնում էին խոշոր մտածողների (Գրիգոր Տաթևացի, Անանիա Շիրակացի, Հովհաննես Սարկավազ, Շահամիր Շահամիրյան և ուրիշներ) հայացքների մանրամասն լուսաբանությամբ: Վ. Չալոյանի «Հայոց փիլիսոփայության պատմությունը», որն ունեցավ երեք հրատարակություն (դրանցից մեկը՝ Մոսկվայում, 1974 թ.), ինչպես և նրա աշակերտների աշխատությունները վերջնականապես փարատեցին եղած կասկածները և ցույց տվեցին հայ ժողովրդի հոգևոր ժառանգության այն արժեքավոր մասը, որը դուրս էր մնացել ավանդական հայագիտության շրջանակներից: Այդ աշխատությունը Վ. Չալոյանն իրավամբ համարում էր «իր կյանքի գլխավոր գործը»:

Մեծ դեր խաղաց նաև հայ փիլիսոփայական մտքի հուշարձանների հրապարակման և թարգմանության ասպարեզներում Վ. Չալոյանի ցուցաբերած նախաձեռնությունը: 1956 թ. նա լույս ընծայեց XIV դարի ականավոր հայ փիլիսոփա Հովհան Որոտնեցու «Վերլուծութիւն Ստորոգութեանցն Արիստոտէլի» բնական բնագիրը, կցելով դրան զուգահեռ ռուսերեն թարգմանությունը (Արշակ Աղամյանի հեղինակակցությամբ), այնուհետև VI դարի մի կարևոր փիլիսոփայական երկի՝ «Մեկնութիւն Ստորոգութեանցն Արիստոտէլի» բնագիրը (1961 թ., Ս. Լավաֆարյանի աշխատակցությամբ), իսկ 1968 թ. Նզնիկ Կողբացու «Նդծ աղսնդոցի» ռուսերեն թարգմանությունը: Հայ փիլիսոփայական բնագրերի և նրանց ռուսերեն թարգմանությունների հրապարակումը ոչ պակաս կարևոր էր հայոց փիլիսոփայության իրավունքների հաստատման և համընդհանուր ճանաչում ձեռք բերելու տեսակետից: Եվ այդ ճանաչումը եկավ: Հայ փիլիսոփայական մտքի պատմությունը իր արժանի տեղը գրավեց Սովետական Միության ժողովուրդների և համաշխարհային փիլիսոփայության պատմության մեջ, այդ բնագավառի բացահայտման ու հետազոտման առաջնությունն պատիվը վերապահելով Վ. Չալոյանին:

Մեծ ճանաչում բերեցին Վ. Չալոյանին նաև «Հայկական ունենաանս» և «Արեւելք—Արեւմուտք» աշխատությունները, որոնք լույս ընծայվեցին Երևանում և Մոսկվայում, իսկ «Արեւելք—Արեւմուտքը»՝ նաև Լեհաստանում: «Հայկական ունենաանս» մենագրության մեջ (1963 թ.), ինչպես և նույն հարցին նվիրված մի շարք հոդվածներում, Վ. Չալոյանը առաջ է քաշում X—XIII դդ. Հայաստա-

նում կապիտալի նախասկզբնական կուտակման, կապիտալիստական արտադրության սաղմերի առաջացման և նոր, հակաֆեոդալական միտումներ ունեցող մշակույթի ձևավորման պրոբլեմը: Նա համոզված էր, որ այդ ժամանակաշրջանի մշակույթը, հատկապես նրա աշխարհիկ ուղղությունը հիմք են տալիս պնդելու, որ Հայաստանում Վերածնունդը սկսվել է ավելի վաղ, քան Արևմտյան Եվրոպայում: Այդ տեսակետը բուռն վեճերի տեղիք տվեց, ունեցավ կողմնակիցներ, բայց ավելի շատ հակառակորդներ՝ հիմնականում պատմաբանների շրջաններում, որոնք ժխտելով կապիտալի նախասկզբնական կուտակման հանգամանքը, այնուամենայնիվ չկարողացան ընդունելի բացատրություն տալ արվեստի, ճարտարապետության, պեղարվեստական գրականության մեջ իրենց որոշակի արտահայտությունը պատճռեն սանսանսալին որոշ երևույթներին, որոնց վրա իր ուշադրությունն էր սեռել Վ. Չալոյանը: Այժմ, երբ կրթերը հանդարտվել են, Վ. Չալոյանի առաջ քաշած հայկական ունեսանսի խնդիրը, մեր կարծիքով, նոր փաստերի լույսի տակ կարող է դուր բանալ նոր հետազոտությունների համար, որոնք զերծ լինելով բանավիճող կողմերի ծայրահեղություններից, կկատարեն հայ միջնադարի հոգևոր արժեքների վերազնահատություն: Բոլոր դեպքերում, ինչպես նշում է ակադ. Ն. Կոնրադը («Հայկական ունեսանս» գրքի վերջաբանում), Վ. Չալոյանի աշխատությունը հնարավորություն է տալիս տեսնելու սեփական «Վերածնունդի դարաշրջան» նաև հայ ժողովրդի պատմության մեջ, մի ժողովրդի, որն իր անցած հաղաթանա սլաքով անստանալի ճանապարհին ունեցել է անտիկ շրջան և ավելի լուրջ հիմքեր կարող է ունենալ ավատատիրության ծաղկման վերջին փուլում նոր հիմքերի վրա «վերածնելու» հնագույն աշխարհիկ մշակույթի ավանդները: Հարցի դրական լուծման հնարավորություններ որոնելիս միջնադարյան հայ մշակույթի մեջ հարուստ աշխարհիկ շերտի առկայության պայմաններում ոչ այնքան կարևոր է արտադրանական մեջ կապիտալիստականի սաղմեր որոնելը, որքան դրան նախորդող աշխարհայացքի ոլորտում տեղի ունեցած բեկումնը: Նման մոտեցման դեպքում Վ. Չալոյանի կոնցեպցիան, մեր կարծիքով, կարող է ունենալ ապագա, տալ իրոք դրական արդյունք «Հայկական վերածնության» պրոբլեմի լուծման ճանապարհին: Վ. Չալոյանը համոզված էր, որ վաղ թե ուշ սովետահայ գիտությունը կրկին անդրադառնալու է Ռենեսանսի պրոբլեմին: Դրա վերջնական լուծման գործում Վ. Չալոյանի արժարժած դադափարները, անշուշտ, գրավելու են իրենց արժանի տեղը:

Վ. Չալոյանը հարյուրից ավելի գիտական աշխատությունների հեղինակ է, և դրանց մեծագույն մասը նորություն էր բերում սովետահայ գիտական մրտին, առաջ մղում պատմափիլիսոփայական գիտությունը: «Նոր խոսք ասել գիտության մեջ», — այս էր Վ. Չալոյանի գործունեության նշանաբանը: Նույնը նա պահանջում էր նաև իր աշակերտներից, մղելով նրանց ձեռագիր հարուստ ֆոնդերի ուսումնասիրմանը Մատենադարանում, հայոց փիլիսոփայության նոր դեմքերի և գաղափարների որոնմանն ու դրանց ինքնուրույն գիտական մատուցմանը:

Հայոց փիլիսոփայության պատմությունը, որը Վ. Չալոյանի եռանդուն գործունեության շնորհիվ նվաճեց իր արժանի տեղը հայագիտության և սովետական պատմափիլիսոփայության անդաստանում, այսուհետև ևս հարստանալու է նոր գործերով՝ լինեն դրանք առանձին մտածողներին նվիրված մենագրություններ, սկզբնաղբյուրների հրապարակումներ, թե բազմահատոր ընդհանրացնող աշխատություններ: Բայց Վ. Չալոյանի՝ որպես հայ փիլիսոփա-

յության առաջին ուսումնասիրողի և հայագիտության այդ նոր ճյուղի հիմնադրի բարի անունը ընդմիջող պսնա սովետահայ գիտության պատմության էջերում, իսկ նրա գիտական ժառանգությունը որպես պարևոր ավանդ ծառայելու է պատմափիլիսոփայական գիտության հետագա առաջընթացին:

ВАЗГЕН ЧАЛОЯН

(К 80-летию со дня рождения)

Член-корреспондент АН АрмССР С. С. АРЕВШАТЯН

Резюме

Видный советский армянский ученый, доктор философских наук, член-корреспондент АН АрмССР Вазген Карапетович Чалоян (1905—1981)—основоположник историко-философской науки в Армянской ССР, один из первых ученых, начавших изучение многовекового философского наследия армянского народа. В. К. Чалоян работал старшим научным сотрудником в Секторе философии со дня его организации (1943 г.), а затем в Институте философии и права (с 1969 г.) до конца своей жизни. За это время им было создано свыше 100 научных работ, в том числе 15 монографий. Среди них по своему научному значению и роли в становлении армянской историко-философской науки особо выделяются «Философия Давида Непобедимого» (Ер., 1946) и «История армянской философии» (Ер., 1959; издано также в Москве в 1974 г. и в Ереване в 1975 г.). Внимание научной общественности привлекли также исследования «Армянский Ренессанс» (М., 1963) и «Восток—Запад» (М., 1968; Варшава, 1980). Значительны также заслуги ученого в подготовке кадров по истории философии.

Заслуги В. К. Чалояна высоко оценены Советским правительством. Он был награжден орденом «Знак Почета» и медалями, удостоен звания заслуженного деятеля науки АрмССР и лауреата премии имени Месропа Маштоца.